



ՍՈՒՐՔ ՀԱԿՈՔ ՍՌԱԶՆՈՐԴԱՆԻՍՏ ՄԱՅՐ Ե ԿԵՂԵՅԻ

ԲԱՐԵԿԵՆՈՒԱՆ ՎԱՐԱԳԱՅ ԽԱՁԻ ՊԱՀՈՅ
23 ՍԵՊՏԵՄԲԵՐ 2018

Կիրակնօրեայ Ընթերցումներ Էջ 1
Ծանուցումներ Էջ 2

ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳՐԹԷՆ (14.3-17)

Այն օրը Տէրը վերջ պիտի դնէ քու ցաւերուդ, նեղութիւններուդ եւ գերութեան անտանելի ծառայութեանդ, եւ պիտի հանգստացնէ քեզ: Այն օրը հետեւեալ ողբանման առակը պիտի կարդաս Բաբելոնի թագաւորին վրայ, ըսելով.-

«Ինչպէ՞ս կորսուեցաւ բռնաւորը, ինչպէ՞ս կորսուեցաւ աշխարհը ցնցողը: Ահաւասիկ Տէրը խորտակեց մեղաւորներուն լուծը, լուծը իշխաններուն, եւ անխնայ եղաւ անոր հանդէպ՝ որ կատաղի մոլեգնութեամբ եւ անտանելի տանջանքներով ազգերը կը կոտորէր: Ամբողջ աշխարհը խաղաղեցաւ եւ հանգստացաւ. մարդիկ ուրախութեամբ կ'աղաղակեն: Լիբանանի եղեւիններն ու մայրիներն ալ կը ցնծան եւ կ'ըսեն. «Այն օրէն որ դուն կորսուեցար՝ ոեւէ փայտահատ չեկաւ մեզ կտրելու»: Դժոխքն իսկ տակնուվրայ եղաւ, երբ դուն հոն իջար. միանգամայն ելան կանգնեցան աշխարհակալ բոլոր հսկաները, որոնք ազգերու թագաւորները իրենց աթոռներէն վար ձգած էին: Բոլորը միասին ըսին քեզի. «Դո՛ւն ալ մեզի պէս բռնուեցար եւ մեր վիճակին ինկար: Քո՛ւ ալ փառքդ

գերեզման իջաւ եւ ուրախութիւնդ թաղուեցաւ: Այսուհետեւ ցեցերը քեզի ներքնակ պիտի ըլլան, իսկ որդերը՝ վերմակ»:

Ինչպէ՞ս ինկար երկինքէն, ո՛վ Արուսեակ, որ առաւօտուն կը ծագէիր. ինչպէ՞ս գետինն հաւասարեցար, դուն՝ որ բոլոր ազգերը ոտքի տակ առած էիր: Մտքէդ կ'ըսէիր. «երկինք պիտի ելլեմ. բոլոր աստղերէն վեր պիտի հաստատեմ աթոռս, պիտի նստիմ հիւսիսի այն բարձր լեռան վրայ որ աստուածներու ժողովատեղին է. ամպերէն աւելի վեր պիտի բարձրանամ եւ Բարձրեալին պիտի նմանիմ»: Բայց ահա դժոխք իջար, երկրի ընդերքը: Քեզ տեսնողները պիտի զարմանան եւ ըսեն. «Սա՞ է այն մարդը որ աշխարհը կը դողացնէր եւ թագաւորները կը տապալէր. ան՝ որ ամբողջ աշխարհը աւերակի կը վերածէր, քաղաքները կը քանդէր եւ իր գերիները բնաւ իրենց տունները չէր դարձրներ»»:

ՊՕՂՈՍ ԱՌԱՔԵԱԼԻ ԿՈՐՆԹԱՅԻՆԵՐՈՒՆ ԳՐԱԾ ԵՐԿՐՈՐԴ ՆԱՄԱԿԷՆ (10.18-11.10)

Իսկական ընտրուածը ան չէ՛ որ ինքզինք կը գովէ, այլ ան՝ որ Տիրոջ կողմէ կը գովուի: Սակայն, յուսամ քիչ մը ներողամիտ կ'ըլլաք եթէ անմտօրէն ես ալ պարծենամ, ըրածներս յիշեցնելով ձեզի: Իսկ դուք համբերութեամբ լսեցէք:

Ես ձեզի հանդէպ Աստուծոյ նախան-

ձախնդրութեամբ լեցուած՝ կ'ուզեմ, որ միայն Քրիստոսը սիրէք, ինչպէս մաքուր կոյս մը որ իր սէրը կը վերապահէ անոր՝ որ իր ամուսինը պիտի ըլլայ: Բայց կը վախճամ որ ձեր միտքը ապականի եւ հեռանաք Քրիստոսի հանդէպ ամբողջական եւ մաքուր նուիրումէն, ճիշդ ինչպէս Եւան խաբուեցաւ օձին խորամանկ սուտերէն: Կը վախճամ որ նոյնքան դիւրութեամբ ընդունիք ոեւէ մէկը որ մեր քարոզածէն տարբեր փրկիչ մը, ձեր ստացած Հոգիէն տարբեր Հոգի մը, կամ ձեր ընդունած Աւետարանէն տարբեր աւետարան մը կը քարոզէ ձեզի:

Ձեմ գիտեր թէ ես ձեր այդ նշանաւոր “առաքեալ”ներէն բանով մը ետ կը մնա՞մ: Թէպէտ ճարտար խօսող մը չեմ, բայց խօսածս գիտեմ: Եւ կարծեմ ատիկա ապացուցանեցի ձեզի ամէն ինչով: Արդեօք սխալ ըրի որ Աստուծոյ Աւետարանը ձրիօրէն քարոզեցի ձեզի եւ ինքզինքս խոնարհեցուցի՝ ձեզ բարձրացնելու համար: Ձեւով մը միւս եկեղեցիները կողոպտեցի, ապրուստս անոնցմէ առնելով, որպէսզի ձեզի ծառայեմ ձրիօրէն: Ձեր քով եղած ատենս նոյնիսկ երբ կարիքի մէջ եղայ՝ ձեզմէ ոեւէ մէկուն բեռ չեղայ. Մակեդոնիայէն եկած եղբայրները հոգացին պէտքերս: Եւ ինչպէս անցեալին զգուշացայ, ասկէ վերջ եւս ամէն կերպով պիտի զգուշանամ ձեզի բեռ ըլլալէ: Բայց Քրիստոսի ճշմարտութեամբը, որ իմ ներսիդիս է, կ'ըսեմ՝ թէ այս բաներով պիտի պարծենամ ամբողջ Աքայիայի մէջ, բոլորին պատմելով:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՄԱՐԿՈՍԻ

(10.1-12)

Յիսուս Կափառնայումէն Հրէաստանի կողմերը եկաւ՝ Յորդանան գետին միւս կողմէն անցնելով: Դարձեալ խուռն

բազմութիւն մը իր շուրջը հաւաքուեցաւ, եւ Յիսուս սկսաւ անոնց ուսուցանել իր սովորութեան համաձայն:

Փարիսեցիները զինք փորձելու նպատակով մօտեցան իրեն եւ հարցուցին. «Ոեւէ մէկը իրաւունք ունի՞ր կինը արձակելու»: Յիսուս պատասխանեց. «Մովսէս ձեզի ի՞նչ պատուիրեց»: Անոնք ըսին. «Մովսէս արտօնեց բաժանման թուղթ տալ կնոջ եւ արձակել զայն»: Յիսուս ըսաւ. «Մովսէս ձեր անհանդուրժող նկարագրին պատճառով այդ օրէնքը սահմանեց ձեզի: Մինչդեռ սկիզբէն, ստեղծագործութեան ժամանակ, Աստուած արու եւ էգ ստեղծեց մարդիկը եւ ըսաւ. “Այս պատճառով այրը պիտի ձգէ իր հայրն ու մայրը եւ իր կնոջ միացայ, եւ երկուքը մէկ մարմին պիտի ըլլան”։ Հետեւաբար այլեւս երկու չեն, այլ մէկ մարմին: Ուստի ոեւէ մէկը թող չբաժնէ անոնք որ Աստուած միացուց»:

Երբ տուն դարձան, աշակերտները նոյն նիւթին մասին դարձեալ հարցուցին: Յիսուս անոնց պատասխանեց. «Եթէ այրը արձակէ իր կինը եւ ուրիշ մը առնէ՝ շնութիւն ըրած կ'ըլլայ անոր դէմ: Նոյնպէս ալ, կինը եթէ ձգէ իր ամուսինը եւ ուրիշ մը առնէ՝ շնութիւն ըրած կ'ըլլայ»:

ՍՈՅՆ ԹԵՐԹԻԿԸ

ՇԱՔԱԹԱԿԱՆ ՀԵՐԹԱԿԱՆՈՒԹԵԱՄԲ
Ե-ՆԱՄԱԿՈՎ ԱՏԱՆԱԼՈՒ ՀԱՄԱՐ ԳՐԵՅԷՔ
eglise@sourphagop.net Ե-ՀԱՍՅԵՐՆ:

ՀԻՒԱՆԴԱԵՐՈՒՄ ԱՅԺԵԼՈՒԹԻՒՄ

Բարեհաճեցէք հեռաձայնել
Արժ. Տ. Գառնիկ
Ա. Բինյ. Գոյունեանի.
514 909 5203 քիիմ:

Այժմ եղե՛ք ԵԿԵՂԵՑՈՅՍ

ԴԻՄԱՏԵՏՐԻ ԷՁՈ

ԷՖ ՁԵՐ ՀԱԲԱՆՈՒԹԻՒՆ ԵՎ յԱՅՏԵՑԷՔ
(like).

www.facebook.com/SourpHagopChurchMontreal

Այժմ եղե՛ք ՆԱԷԻ

Ս. ՅԱԿՈԲ ԱՌԱՋՆՈՐԴԱՆԻՍ ՄԱՅՐ

ԵԿԵՂԵՑՈՅ ԿԱՔԷՁՈ՝

www.sourphagop.net

ՏՆՕՐՀՆԷՔ

Տնօրինք փափաքող ընտանիքները,

թող բարեհաճին դիմել

Տ. Գառնիկ Ա. Քինյ. Գոյունեանի,

հեռաձայնելով

514 909 5203 թիվին:

ՀՈԳԵՀԱՆԳԱՏԵԱՆ

ՁԵՐ ԱՐՁԱՆԱԳՐՈՒԹԻՒՆՆԵՐՈ

ՆԱԽՕՐՕՔ ԿԱՏԱՐԵՑԷՔ ԿԱՊՈՒԵԼՈՎ

ԵԿԵՂԵՑՈՅ ԴԻՄԱՏԵՏՐԻՆ

514 331 5445 x202 թիվին



ՍՈՒՐԲ ՅԱԿՈԲ
ԱՌԱՋՆՈՐԴԱՆԻՍ
ՄԱՅՐ ԵԿԵՂԵՑԻ

ԳՈՀԱԲԱՆՈՒԹԵԱՆ ՕՐՈՒԱՆ ՃԱՇԿԵՐՈՅԹ THANKSGIVING LUNCHEON

Կազմակերպութեամբ՝ Հոգաբարձութեան

Կիրակի, 7 Հոկտեմբեր, 2018

Ժամը 13:00-ին

Հայ Կեդրոնէն ներս

Մուտքի նուէր՝ \$25

10 տարեկանէն վար երեխաներու համար՝ \$15

Տոմսերու համար հեռաձայնել

Վարդան Բաբայանեանին՝ 438 863 0272

Դիանա տուն՝ 514 331 5445 x202



ՍՈՒՐԲ ՅԱԿՈԲ ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻՈՅ 60-ԱՄԵԱԿԻՆ ԱՌԹԻՒ

Հովանաւորութեամբ՝

Գերշ. Տ. Բաբգէն Արք. Չարեանի
Առաջնորդ Գանատայի Հայոց Թեմին

Նախագահութեամբ՝

Տ. եւ Տիկ. Բաֆֆի եւ Իւլէթ Թաւրճեանի

Կազմակերպութեամբ՝

Ս. Յակոբ Առաջնորդանիստ Մայր Եկեղեցւոյ
Հովիւին ու Հոգաբարձութեան

ՀԱՆԴԻՊՈՒՄ/ԼՍԱՐԱՆ՝

ՔՐԻՍՏՈՆԷԱԿԱՆ ՀԱՒԱՏՔԻ ՓՈՐՉԱՌՈՒԹԻՒՆԸ

Ս. Յակոբ Առաջնորդանիստ Մայր Եկեղեցի
3401 Olivar-Asselin, Montréal, Qc H4J 1L5



Հինգշաբթի, 11 Հոկտեմբեր 2018

19.30 Գերշ. Անուշաւան Եպս. Դանիէլեան՝
Առաջնորդ Հիւսիսային Ամերիկայի Արեւելեան թեմին, Նիւ Եորքէն,
«Մեր Հայրերուն Հոգեւոր Իմաստութիւնը»

21.00 Գերշ. Սահակ Եպս. Մաշալեան՝
Կ. Պոլիսէն,

«Եկեղեցւոյ Խորհրդագգաց (mystic) Փորձառութիւնը»



Ուրբաթ, 12 Հոկտեմբեր 2018

19.30 Գերշ. Նորվան Արք. Զաքարեան՝
Փարիզէն,
«Փորձառութեանական Քրիստոնէութիւն եւ Հաւատք»



21.00 Կլոր սեղան՝ «Կենդանի Վկայարան»
3 Սրբազանները իրենց վկայութիւնները կու տան:

